



Sakspapir

Sakshandsamar	Arkiv	ArkivsakID
Dagrun Gunnarson	FE-515	19/378

Saksnr	Utval	Type	Dato
104/19	Formannskapet	PS	15.10.2019

Godkjenning av lokale forhandlingar 2019 for kap 3 og 5

Saksutgreiing:

Oppsummering: Rådmannen har forhandla fram ei løysing for lokale forhandlingar 2019 i kap. 3 og 5 innafor den ramma som formannskapet gav i sak 097/19. Formannskapet kan difor godkjenne forhandlingsresultatet.

Bakgrunn

Hovudtariffavtalen kap. 3 og 5 seier at kommunen skal halde lokale forhandlingar med dei lokale arbeidstakarorganisasjonane for dei tilsette som kjem inn under kap.3 og 5 kvart år. I tråd med delegeringsreglementet ligg lokale lønnsforhandlingar til rådmannen. I år har rådmann og personalsjef forhandla for arbeidsgjevar.

Kap. 3 og kap.5 omfattar leiarane og enkelte andre administrative stillingar:

Kapittel 3: Rådmann, plan- og utbyggingssjef, pleie og omsorgsleiar, styrar barnehage, rektor, økonomisjef, personalsjef/leiar fellestenester, helse og omsorgssjef

Kapittel 5: Bibliotekssjef, kommuneoverlege, kommunikasjonsrådgjevar, konsulent personal og arkiv, rådgjevar administrasjon

Rådmannen forhandlar direkte med formannskapet. Rådmann, rektor og helse- og omsorgssjef hadde ikkje tiltredd stillinga pr 01.05.19, og var difor ikkje omfatta av forhandlingane i år.

Stillingane i kap. 3 og 5 får berre lønnstillegg fastsett i lokale forhandlingar, i motsetning til dei tilsette i kap.4 som får tillegg etter sentrale avtalar. Det var ingen ordinære lokale forhandlingar for kap. 4 i år.

Formannskapet gav også ei ramme for særskilte krav om forhandlingar i kap. 4. Her er forhandlingane enno ikkje ferdige.

Vurdering

Den økonomiske ramma frå formannskapet var å samla sett halde seg innafor same lønnsutvikling som i kap. 4. Det er alltid ein diskusjon kor stort overheng og glidning ein skal berekne for kap. 3 og 5. I kap. 4 var dette anslått til 0,6%, men TBSK (partane sitt berekningsutval) rekna overheng/glidning ut til å vere 1,1% i snitt i kap. 3 og 5. Med utgangspunkt i desse siste tala, var det naudsynt å lande på ca. 3,2% pr 01.05.19 for å ha same lønnsutvikling i kap. 3 og 5, som dei som har sentrale forhandlingar.



Fedje kommune

Forhandlingane er no over, og det vart semje med alle partar. For kap. 3 og kap. 5 er samla utgiftene slik:

Generell lønnsutvikling i kap. 4 inkl. overheng og glidning:	3,20%
Brukt i lokale forhandlingar kap. 3 og 5 2019	189 951 kr
Gjennomsnittleg auke i lønn pr 01.05.19 i kap. 3 og 5 samla	3,26%

Konklusjon

Forhandlingsresultatet er innafor ramma frå formannskapet og samla sett i tråd med lønnsauken i resten av kommunen (kap. 4 etter HTA). Formannskapet kan difor godkjenne forhandlingsresultatet.

Forslag til vedtak:

Formannskapet godkjenner dei lokale forhandlingane 2019 for kap 3 og 5.

Formannskapet - 104/19

F - behandling:

F - vedtak:

Formannskapet godkjenner dei lokale forhandlingane 2019 for kap 3 og 5.

Samrøystes vedteke.